



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Officium Parochi circa Sacramentum hoc, paulo ante vel in ipso
administrationis actu.

urn:nbn:de:hbz:466:1-41233

firmati sunt, nullam in eo suscipiendo negligentiam committant, sed summâ cum devotione & reverentiâ suscipiant.

Illos etiam, qui jam Confirmati sunt, sæpius monebit, ut memores esse velint gratie celestis, quam in hoc Sacramento acceperunt, ne eam vacuum esse sinant, sed fortiter pugnent, & peccati, mundi, ac diaboli tentationibus viriliter resistant.

Officium Parochi circa Sacramentum hoc, paulo ante, vel in ipso administrationis actu.

Cum intellexerit Parochus, velle Episcopum Confirmationis Sacramentum in sua Parochia administrare, monebit tempestive populum, eumque in sequentibus pro suggestu instituet:

I. De dignitate, necessitate, utilitate, institutione, effectibus, ceremoniis, aliisque hujus Sacramenti pertinentiis, ad captum suarum plebium differendo.

II. Exhortabitur universos, nondum Confirmatos, ne hanc istius preciosi thesauri occasionem, quæ quotidiana non est, negligant: præsertim autem patres familias insligando, ut filios filiasque, ac domesticos suos, prompte adducant.

III. Docebit eosdem, ut, quamvis non semper certam ætatem, & annos quos vocant discretionis, in pueris expectare debeant ad hujus Sacramenti susceptionem; ut certi tamen aliquid vulgo præfixum habeatur, commodum erit, si non ante septennium, (nisi forte malitia præveniat ætatem) quis ad sacrum hoc Dominicum sigillum sistatur.

IV. Persuadebit omnibus, præsertim adultis, ut (si fieri possit) jejuni, atque à peccatorum sordibus, per Confessionem vel saltem Contritionem, purgati, accedant, ne fructu & gratiâ tanti Sacramenti priventur.

V. Cum, ut supra dictum est, Sacramentum hoc Confirmato Characterem indelebiter in anima imprimat, severissime illis in-

ter-

terdicet, ne quis iterato illud suscipere præsumat, nisi gravissimum Sacrilegii scelus committere, & debitis utriusque Fori pœnis inevitabiliter sese subicere velit.

VI. Confirmandus autem unum tantum sibi deligat Patrinum, alium ab eo, à quo è Baptismo susceptus fuerat. Si tamen ita necessitas cogeret, idem tam in Baptismo quam in Confirmatione Patrinus esse potest.

VII. Patrini esse non possunt: Nondum Confirmati; Excommunicati; Hæretici; Specialiter interdicti; Publice criminosi; Parentes ipsius Confirmandi; Usurarii publici; Non Confessi & Communicati in Paschate, nisi ex legitima causa & cum approbatione Parochi Confessionem &c. distulerint.

VIII. Contrahunt Patrini cognationem spiritualem cum Confirmato, ac vero ejus patre ac matre, non secus ac in Baptismo fieri diximus: talisque cognatio Matrimonium, inter dictas personas, tam contrahendum impedit, quam contractum dirimit. Hinc consultum non est, præsertim in locis angustis & solitariis, ut quis multos, maxime parvis conditionis, ad Confirmationem adducat.

IX. Monebit eosdem, ut cum devotione, reverentiâ, attentione, sine rumore ac strepitu, accedant; frontem, si sudore sit madida, strophiole extergant; dum ante Episcopum genua flectunt, & manus conjunctim attollunt, Patrini nomina eorum, quos præsentant Episcopo, tempestive indicent, & manum dexteram super humerum dexterum, dum confirmantur, teneant.

X. Accepto Confirmationis Sacramento, frons Confirmati per Patrinum fasciâ mundâ liganda est ob reverentiam sacri Chriftatis; quam, ubi in tertium usque diem Confirmatus gestavit, Patrinus vel alius quispiam (consultius tamen foret si esset Sacerdos vel Religiosus) deponit, frontem abluens, ad modum infra præscribendum. In liganda tamen vel dissolvenda ejusmodi fascia, nulla prorsus spiritualis affinitas contrahitur.

XI. Præmoneantur etiam per Parochum Consignandi, ut ex

templo non recedant, nisi ultimâ Episcopi benedictione perceptâ.

XII. Moneat pariter Parochus Patrimonos, ut instruant consignatos bonis moribus, ut fugiant mala & faciant bona: & doceant eos Orationem Dominicam, Salutationem Angelicam, Symbolum fidei, & reliqua fidei rudimenta.

Modus, quo fascia deponitur, & frons Confirmati abluitur.

Peracto triduo, fundat Patrinus vel alius aquam in pelvim. Et, si Sacerdos sit, dicat sequentia:
Vers. Adjutorium nostrum in nomine Domini.

Resp. Qui fecit cælum & terram.

Vers. Sit nomen Domini benedictum.

Resp. Ex hoc nunc & usque in sæculum.

Hinc mittat fasciam, quâ frons fuit ligata, in aquam; & hujusmodi madidâ fasciâ frontem Confirmati lavet; adhibitoque modico sale, & faciendo Crucem, ita dicat:

AB omni immunditia mentis & corporis mundet te Dominus noster Iesus Christus, in nomine Patris, & Filii, & Spiritus sancti. *Resp.* Amen.

Deinde addat:

Chrismatis ablutio fit tibi omnium peccatorum tuorum remissio, ut habeas vitam æternam in CHRISTO IESU Domino nostro. *Resp.* Amen.

Pax ✝ tecum. Vade in pace. *Resp.* Amen.

Factâ